

Deložacije u Bosni i Hercegovini se neće obustavljati

Jučer je Visoki predstavnik Wolfgang Petritsch donio odluku kojom se poništava Zaključak Narodne skupštine Republike Srpske od 10. novembra, kojim se obustavljaju deložacije određenih kategorija lica u periodu između 1. novembra 1999. i 1. aprila 2000. godine.

Ovaj Zaključak, ako bi se dozvolilo da stupi na snagu, bi samo uskratio prava izbjeglicama i raseljenim osobama da se vrate u svoje domove. Stotine hiljada ljudi i dalje nemaju pristup svojim stanovima i kućama, i neophodno je da se proces povrata imovine ne odgađa, niti privremeno obustavlja. Štaviše, on se mora znatno ubrzati.

U oba entiteta postoji zakonski okvir koji obavezuje organe vlasti da obezbijede alternativni smještaj onima koji moraju iseliti iz tuđih domova a čije stambeno pitanje nije riješeno na drugi način. Ovaj zakon osigurava da oni koji su deložirani ne ostanu na ulici. Na organima vlasti je odgovornost da djeluju u skladu sa zakonom i obezbijede rješenje za one kojima je potreban smještaj.

Već je prošlo isuviše vremena. Sada je trenutak da se ostvare prava građana na svoj dom, imovinu i povratak. Visoki predstavnik neće dozvoliti nikakav kompromis u tom smislu.

Visoki predstavnik je ovu Odluku donio u skladu sa svojim ovlastima prema članu X Daytonskog sporazuma i članu XI Zaključaka Konferencije Vijeća za implementaciju mira održane u Bonu u decembru 1997.